

Барча хъуннав Рабиоль-аввал!



Ас-саламу аьлайкум ва рахІматулагъи ва баракатугъ, ххирасса уссурвал ва ссурвал! Барачатну бувкІсса хъуннав жула ххирасса МухІаммад Идавс ﷺ увсса рабиоль-аввал барз. Аллагънахъ ﷻ чІа тІий ура, Идавсия ﷺ буслан, Аллагънаха ﷻ эбадат дуллан жухъхъунма тавфикъ була тІий. Аллагънал ﷻ жува хъун баннав халкъ цацІун шаврил сававну. Ва зуруй увсса МухІаммад ХІабибуллагънал ﷺ хІурматрахлуну Аллагъу Тааьланал Дагъусттан цинявпа фитна-балардаца, захІматшивурттаца буруччиннав, ахиратлугу жува Идавсицал ﷺ ва ганал ххулу бувгъуминнацал архІал Алжаннавун буххан баннав! Амин.

Дагъусттаннал Муфтій
АхІмад-хІажу Аьбдуллаев

Ва
номерданий :



лаж. 3

Сурхай-ханнал мизит



лаж. 4

Чак байсса куц



лаж. 5

Гъарца бусурманчуннав
кІулну бикІан аьркинмур



Мавлудрал барачатрайну бусурман питна-балардая буруччайссар ва дакІнийсса мурадирттайн бияйссар.

Имам Шамиллул аьпалул кьини

Дагъусттаннал аьлимтурал хІукмулин бувну, февраль зурул 4-мур кьини Имам Шамиллул ва ганацал архІал тархъаншиврул цІаний талай бивкІминнал аьпалул кьинири, куну баян бувну бур.

автор: Малик Къасумов

Ва кьини циняв Дагъусттаннайсса мизитирттаву шамагу Дагъусттаннал Иманнал ва гайннацал архІал динналул ххулий талай бивкІминнал гъунардая бусласисса вяъзарду бувай, гайннаха Къуръан буккай, дуаьртту дувай. Дагъусттан-



нал ва Чачаннал хъунасса имам, накъшубанди тІарикъатрал шайх Шамил ва дунияллия лавгун гъа-шину 141-ра шин хъуну дур. Амма цуксса чІун гъарчагу жунма гукунсса вирттал хъама битан къабучІиссар. Укун цала буттал кІану ххирасса, ватанналухлу жан дулун хІадурсса, гъунар бусса вирттал хъамабитарча, жулва кьимат ялавай багъантІиссар. Дунияллул тарихраву Имам Шамиллул кунма, циняв хІукуматирттал бакІчитурал хІурматшиву дурсса, хъун увсса инсан къаивкІссар. Имам увчуну уссар Мадианалив Аль-Бакъиь хІатталлив Идавсил ﷺ буттауссу Аьббаслул ﷺ чІарав.

Га заманнайсса хъунасса аьлимчу, муршидун-камил АхІмад Рифаинал цала карунних Шамиллул кІяла зуруй чивчуссар: «Ва гъав Дагъусттаннайтусса шайх Шамил-афан-диналли, цувагу АллагъначІан ﷻ ивсса муршид, кьуния ххюра шинай Аллагънал ﷻ ххулий талай ивкІсса, тІайласса ххулийх най ивкІсса, хъунасса аьлимчу, муьминтурал амир. Аллагънал ﷻ цал дакІ марцІ даннав, хъинсса аьмаллахсса чиригу гъарза баннав». Имам Шамил Аллагънал ﷻ валий ушиву цукунчІавсса щак бакъар. Аллагъу Тааьланал жуйнма ганал барачат ва шафааьтгу биян баннав.

FM 102.9 — хъаннил радио

ХъхьичРа-хъхьичИ Дагъусттаннай тиртГуссар хъаннинсса радио «Сафинат». Цусса радиолийсса передачарду диклантиссар жура-журасса, бурсурман хъаннин оьрмулуду хъуна бакъаймуния, мюнпат шаймуния бусласисса. Мукунма «Сафинат» радиолул студиялий чирчуну хладур дурну дур цусса мавлудру, нашидру радиолудух итадакъланшиврул. «Сафинатрай» диклантиссар цулулу-сагъшиву дуруччавриясса, кулпатрал багъу-бизулиясса, оьрчIру тарбия бавриясса, дукра давриясса ва цаймигу передачарду. Му бакъассагу, ва радиолийхчин бюхъантиссар телефондалудух оьвкуну ягу СМС гъан бувну динналин хасъсса суал булун ягу вичИ диншин ччисса мавлуд, нашид бишин бан.

www.islamdag.ru



Журнал «Ислам»

Цусса шинал дайдихъулий бувккунни «Ислам» журналданул цусса номер. Ва хъанай бур Аьрасатнаву яла цIа дурксса, машгурсса бусурманнал журнал. Ванил машгуршивугу номердания номерданин гуж хъанай дур. Цимигу шинай ва журнал буклай бусса оьрус мазрай ва аьраб мазрай. Цусса номерданувугу буккултран лякьинтиссар жура-журасса, хъинну ххуйсса макъаларду.



Мажлис Новолакрай

Раби'уль-аввал зурул дайдихъулий Новолакрай хъунни хъаннил мажлис. Мажлис бия хас бувну Мухаммад Идавсил оьрмулия бусаврин. Га мажлисраву гьуртту хъунни Дагъусттаннал Динналул Идаралул хъаннил отделданул зузалт. Гайннал бувсунни мажлис-

раин бавтIсса хъаннихъ щалвагу дуняйлийсса халкъунначIан рахIматну гъан увну ивкIсса Мухаммад Идавсил хасиятиртая, фазаилдая. ЧIявусса бувсунни Идавсил ххуллу бувгъун бачаврил агъамшивруя.

www.islamdag.ru

Идавсил ЧIара Чачаннаву



Мухаммад Идавс увсса зурул дайдихъулий Чачаннал республикалий хъуннасса ххаришиву хъуни: шиккун лавсун бувкIунни Идавсил бакIраясса чIара. ЧIара дусса капсула Узбекистаннава самолетрай спец-рейс бувну лавсун

бувкIунни. Халифатрал заманная шиннай га чIара диркIун дур Кьурайштурал тухумравасса бусурманначIа Узбекистаннаву ядуллай. Уттирив барачатсса чIара даин Чачаннаву диклантиссар, тIар.

islam.ru

Иман камил дувайтур

Махъсса ппурттуву бусурманнал байранну, къулагъас дан аьркинсса къинирду гъан хъанан диркIукун, шагьрурдаву, ххуллурдай, ххал хъунсса кланттай гай байранная бусласисса хъунисса баннерду, плакату лархъун дикIай. Гай баннердал жунма ялагу цал дакIнин бутлай бур хъинмур бан аьркиншивруя ва бунагъмуния, хIараммуния арх хъун аьркиншиву. Вай мубараксса раби'уль-аввал зурул гъантрайгу МахIачкъалаливсса кличIирттаву мукунсса плакату лархъун дур. Вайннулгу ккаккан буллай бур бусурманнал цала Идавс цукун ххирану уссарив. Аллагънайн щукру, Мухаммад Идавс цана ххирану ушиву ккаккан бан ччими шинай шинайн гьарза хъанай бур. ХIадисравугу увкуну бур: Мухаммад Идавс ххира къавхъуманал иман камил къахъунтиссар, куну. Жунма динявннагу, хаснува ва зуруй, Идавсил ва ганал асхIабтурал оьрмулиясса луттирду ккалай, мавлудру дуллай, жунма кIулмур жулва оьрчIангу лахъхъин буллай гъан барча хъинни, вай ххирасса гъантрал барачат жуйнмагу бияншиврул.



раби'уль авваль
месяц рождения Пророка

Учредитель

Благотворительный фонд «Путь».
Газета печатается по согласованию и одобрению
Духовного управления
мусульман Дагестана

Редакционный совет

Председатель редакционного совета
муфтий РД
Ахмад-хаджи АБДУЛАЕВ
заместитель муфтия РД
Махди-хаджи МУТАИЛОВ

Главный редактор

Патимат ГАМЗАТОВА

Редактор

Иса ОМАРОВ

Канонический редактор

Курамухаммад МАГОМЕДОВ

Корректор

Курбанисмаил АМИРОВ

Ответственный секретарь

Ахмад МАГОМЕДОВ

Менеджер

Абдусабир АХМЕДОВ

Дизайн, вёрстка

Лейла ГУСЕЙНОВА

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации
ПИ № ФС 77-37006 от 29 июля 2009 г.

При перепечатке ссылка обязательна.
Набрано и сверстано на компьютерной базе газеты «Ассалам».

Отпечатано в ООО «Дом печати»
по адресу: пр-т Акушинского, 20

Заказ № _____

Тираж 3.300 экз.
Сдано в печать 3 февраля 2012 г. в 20:00

Индекс 51388

Адрес редакции
367015, РД, г. Махачкала,
ул. Азиза Алиева 2.
Тел.: (8722) 61-00-64.

По вопросам подписки и доставки обращаться по телефону:
по Республике Дагестан – 8-988-699-28-24
по г. Махачкале – (8722) 914-222.

E-mail: assalamlak@mail.ru;
www.assalam.ru

Исламрал ххуллийн зана бикӀлай

НОВОСТРОЙРАЙССА ЦӀУССА ЧӀУРТТАЦИЯЛ ШЯРАВАЛЛИЛ ИМАМНАЩАЛССА ИХТИЛАТ

Хаваев Мансур-хӀажи, увсар 1984-ку шинал ЦӀусса ЧӀурттациял шяраву. Школа къртал бувну махъ бувккуссар Автодрожный университет. 2010-ку шина махъ Новостройрайсса ЦӀусса ЧӀурттациял шяраваллил имамну зий уссар, МахӀачкъалалив имамтал хӀадур байсса курсирдайгу дуклай.



Мансур-хӀажи, зул шяраву хӀакъинусса кьини динналул тагъар цукунсса дур? Динналул чулухуннайсса тагъар шяраву оьккину дур учин къахъунссар. Жамят ИсламрачӀан кӀункӀу тий бур. АльхӀамдулиллагъ, махъсса шанна-мукъра шинай хъуннасса хъхъичӀуннайшиву хъунни: дин лахъхъин, кӀул дан ччисса жагъилталгу бур, бугъарамигу хӀалли-хӀаллих Исламрал ххуллийн зана бикӀлай бур, Аллагънайн ﷻ щукру.

Мизитравун дарс ласун, Къуръан буккин лахъхъин бучӀайсса оьрчӀу бурив? Аллагънайн ﷻ щукру, чанса бухурчагу, занай бур: ххюя-ряха оьрчӀ ур, занан гъира бусса душругу бур,

амма гайннахъ дарс диншинсса хъамитайпа бакъа, чансса захӀматшиву хъанай дур. Иншаллагъ, гайннахъ дихълангу сант хъунсса умуд бур.

ЦӀусса ЧӀурттациял шяравусса мизит та бувсса бур? Новостройрайсса мизит тивтӀуну ххюра шин хъунни. Га цуппагу шяраваллил жамятравусса каши дусса бусурманнал хӀарачатрайну бувссар, гайннал цӀарду кӀицӀ къалаганна, къюлтӀну бувсса садакъалул даража хъунмасса бунутӀий.

Инава имамну цукун авцӀуссарав буси. На элму дурккуссагу акъара, дахъа дуклай айивхъура СайидмухӀаммад-хӀажинал цӀанийсса фондравусса

имамтал хӀадур байсса курсирдай. Амма шяраву имам чара бакъа икӀан аькинссар тий, на ивтунна ДУМДрал чулухасса вакилтурал ва жамятрал хӀукму бувну. Нагу ттущава шаймур буллай ура. Жамятрал агъалинал булайсса суаллугу личӀину захӀматсса къабикӀай – чаклия, зумалия цӀуххирча бакъасса.

Зул шяраву хъхъичӀва бивкӀсса аьлимтурая ци бусан хъунссар? Жунма кӀулли ЧӀурттациял жамят муданмагу дин дусса, Аллагънайн ﷻ вихсса бивкӀшиву. ХъхъичӀва ЧӀурттахъ чӀявусса аьлимтал бивкӀун бур. Имам Шамиллул чӀумалгу чӀявусса чӀуртташи диндалухлу талай, имамнал чул бувгъуну бивкӀссар тӀар. Хъинну куннал чӀарав ку бацӀайсса бивкӀун бур. ЧӀурттацияйн «мухӀал къатӀа» учайсса бивкӀун бур куннал ку бувгъусса, къянкъасса бунутӀий. Буслан бикӀай, зувирахъул шинай шяравусса агъалинал дянив къалмакъал къархъусса чӀунгума дуссия тий. Мунихлу шяраваллин бахшишран орден дуллуссар тӀун бикӀай.



Новостройрайсса ЦӀусса ЧӀурттациял шяраву мавлудрай.

Шяраву Ас-салам кказитрал подписка цукун най дур? Ас-салам кказит гъарца шинал чичайссар, шинай шинайн чӀяву хъурча бакъа, чангу къашай, альхӀамдулиллагъ. Жул ЦӀусса ЧӀурттациял шяраву динналул иширттаву хъунама хъанай ур Агъа Абсалутинович. БивкӀу хъусса чӀумал бикӀу, ца-мур ишираву бикӀу гъарца

чӀумал цинявннал чӀарав ацӀан хӀадурну икӀай. Ганал Ас-салам чичин ва биян бан хъунмасса хӀарачат бай. Та имамри на танал кумагчира учин бучӀир. Жулва лакрал жамятраву вания тиннайгу Аллагъу Тааьлал дин гуж даннав, тӀайласса ххуллийн зана баннав, бусурманнан лайкъ дакъамуния махъунмай хъуну, марцӀну дин дуллан тавфикъ булуннав. Амин.

Сурхай-ханнал мизит

Гъази-Гъумучиял шяраву Хъун бярнил ялув бусар мизит. ЧӀявуминнан шикку мизит бушиву къакӀулхъунссар, укуннасса эяллу дур учин бюхъай. Амма гивун буххарча, жунна ванил ххуйшиву, аьжавившиву чӀалай дур.

чарийсса чичру таржума дурну. Га чӀумал му чару бивкӀун бур сельсоветрал къатраву бивхъуну. Чарийсса чичрулул буслий бур, ва мизит Сурхай-ханнал 1726-ку шинал бувну бушиву. Чаругу цана бур МахӀачкъалаливсса музейраву. Му ишгу дахъва уттигъан-

чирину лякъиннав! Мизитрал вив бувххун бургарча, чӀалай бур ганил вивалу га хъхъичӀва бивкӀсса кунма ливчӀун бушиву. Мизитрал хъхъичӀсса чӀираву лагъсса хъулу бур, чаклин биссайсса, гъуслу байсса хӀавзравун буххайсса. Шиккун щин най диркӀун дур Хъун зилулува-ту. Ва хӀавз мадара куртӀсса бивкӀун бур, шивун щинавун бучӀлай бивкӀсса инсантал цӀанагу бур Гъумук. Яла шичча щин Хъун бярув най диркӀун дур. Ванил чӀирттай майлул чирахъру бишайсса чӀаннугу бур. Мизитрал хъхъичӀмур чӀирай дянив бур имам авцӀуну чак байсса михӀраб бусса куццуй сагъну ливчӀун. Мизитраву урчӀамур чулух чӀивисса къатта бивкӀун бур. Бусаврин бувну, шикку базаллувун бувкӀсса инсантал хъхъу дуган, дукра дукал бацӀайсса бивкӀун бур. Гиву хъунисса дувсилул къазаннугу бивкӀун бур. Совет хӀукуматурал чӀумал шикку ахъулссаннул, ахънилссаннул склад бивкӀун бур. Ми дичланшиврул мизитрал магъулу мукъмурцӀусса ккуттӀ дурккун диркӀун дур. Аллагънал ﷻ цӀимилийну мизитраву левкъсса

кӀанттурдугу чӀявусса бакъар. Ваний бан аьркинсса яла агъаммур зад – магъи дишин дур. Мукума, вивгу чан-къансса бакъин бансса кӀанттурдугу бур. Щин дурцуну, хӀавзгу зузи бан хъунссар. Жунма цинявннал Сурхай-хангу цурич, мунал тарих, му цукунсса виричу ивкӀсарив кӀулли. Ва мизит Сурхай-ханнал бувшиву дахъва дукӀу кӀул хъунни. Мунин бувну, жула тарихгу дуруччин, лакрал вирттарал цӀагу гъазну дикӀан, жунма ва мизит бакъин бан, цӀу буккан бан аьркинни, укун къабитан цукунчӀав къабучӀир. Мунин бувну,

баччибакъашиву къадурну, шайнал шайсса кумаг буллай, чара бакъа ва мизит буруччин аьркинни. Жу оьвтӀий буру цалла миллатрал тарихрай аьтӀисса лакрахъ, бачияра лагма лавгун, гъарцаннал цащава бюхъайсса кумаг бувну, ва мизит бакъин бан. Аллагънал ﷻ кумаг баннав!

Мизитраясса видеоролик ккаккан бюхъантӀиссар интернетраву www.youtube.ru сайтраву, «Мечеть Сурхай Хана» тӀисса цӀанилу.

Гъази-Гъумучиял имам Саламов МухӀаммад-хӀажи



Сурхай-ханнал мизит вивату.

Мизитран 286 шин хъуну дур. «Ва мизит бувссар Сурхай-ханнал, Гирейл арснал» тӀисса чичру диркӀун дур ванил чӀиравусса чарий. Му тасттикъ бувну бур этнолог Л. И. Лавровлул 1955-ку шинал Гъумукун экспедициялушал увкӀун, кӀа мизитрай бивкӀсса

ну кӀул хъунни. Ва мизит Сурхай-ханнал бувну бивкӀшиву кӀул хъуну махъ, шивусса чапалшивугу дуккан дурну, марцӀ бувну буссар. Ва марцӀ буллалисса чӀумал чӀарахъ къабуккун кумаг бувминнахъгу хъунмасса барчаллагъ учин ччива, Аллагънал ﷻ хъхъичӀ



Чаклин биссайсса хӀавз бивкӀсса кӀану.

Чак байсса куц

Аллагънал ﷻ халкъ ляхъангу буну, оьрмугу булду, ризкъи-гу булду бур гьарцаннан ва дуняллий. Ми неъматру булаву бакъасса, жуйва ялув буржругу бивхъуну бур. Ца мукунсса, чара бакъа бан аьркинсса бурж хъанай бур къинилун ххюва чак баву. Муниву цукунчлавсса захиматшивугу дакъар, цанчирча, ца чак бан ххюра-ацтра минутI диял шай.

Чаклил шартIру

ШартI учайссар чак буллай айишиннин ва буллалисса чумал дурччин аьркинсса затирттайн, мигу ххюра дуссар:

- 1) Чаклин ивссуну иклаву;
- 2) Чурх, янна ва чак байсса кIану марцIсса, нажас дакъасса биклаву;
- 3) Аьврат (чара бакъа кIучI дан аьркинсса базурду) кIучI баву;
- 4) Чаклил чIун дуркIшиву кIул шаву;
- 5) Къиблалин лажинну кIура аяву;

Ракааьтру

Гьарца чакливу дикIайссар цинна-цинна ккаккан дурсса ракааьтру: кIюрххил – кIира, ахттайннай – мукъра, ахттакъуннай – мукъра, маркIачIаннай – шанна, хъатIаннай – мукъра.

Чак баврил низам

Ялув чирчусса шартIругу щаллу дурну, къиблалул чулухунайгу урувгун нийят дайссар, масала: «На нийят дурунни ахттайн ча-



Нийят.

клил фаризасса мукъра ракааьт дан, Аллагъу акбар» – куну, кIирагу канил хъун кIисри вичIал лахъшиврийн бияннин гьазгу дурну, хъазамраяр чансса яларай куямур каний урчIамур дишайссар. КIа «Аллагъу акбар» увкусса махъ учайхтту инсан чакливу уссар. Му куццуй авцIуну унува буккайссар сура «аль-ФатихIа» (АльхIам).



АльхIам.

АльхIамрал хъирив кIулманал «къулгъу» ягу цамур сура буккаву-гу хъинссар. Мунил хъирив гава куццуй кару гьаз дурну, «Аллагъу акбаргу» куну, хъхъичIунай къус ивкIун, кару никирттай дирхъуну рукуь дайссар. Рукуьрай шамил-

ва «субхIана раббияль аьзим ва бихIамдигъи» учайссар. Ялагу гара куццуй каругу гьаз дурну «самиаьллагъу лиман хIамидагъ»



Рукуь.

увкуну тIайла ацIанссар (иъти-далъ). ТIайла авцIукун «раббана ва



Иътидалъ.

лакаль хIамд» учаву суннатссар. Яла «Аллагъу акбар» увкуну цалчинмур сужда байссар, цал никру рирщуну, яла кару дирхъуну, яла ненттабакI бивхъуну. Суждалу-ву шамилва «субхIана раббияль аьля ва бихIамдигъи» учайссар. Хъирив «Аллагъу акбар» увкуну кIилчинмур сужда баннин чанса хIаллай никирттай щяикIан аьркинссар. Яла кIилчинмур сужда



Сужда.

байссар, кIава куццуй «Аллагъу акбар» увкуну. Суждалува чара бакъа ненттабакI, кару, никру ва ччаннал кIисри щяв лавну бикIан аьркинссар. КIилчинмур сужда кьурталссар. КIилчинмур ракааьт даншиврул «Аллагъу акбар» увкуну ивзун



АттахIийяту.

ччаннай ацIайссар. КIилчинмур ракааьтрал кIилчинмур сужда буну махъ дуккайсса «АттахIийяту»: «АттахIийятуль мубаракату-с-салавату-тI-тIайибату лиллагъ. Ассаламу аьлайка аййугъа-н-набийю



АттахIийяту.

ва рахIматуллагъи ва баракатугъ. Ассаламу аьлайна ва аьла эба-дилагъи ссалихIин. Ашгъаду алля илягъа илляллагъ ва ашгъаду анна МухIаммада-р-расулюллагъ. Аллагъум-ма салли аьла сайидина МухIаммадин ва аьла али сайидина МухIаммадин ва саллим». АттахIийятулуву «илляллагъ» тIисса мукъучIан ивукун, урчIамур канил кIисса чансса гьаз буну бугъайссар, аттахIийяту дуркуну кьуртал хъуннин сукку къабуллай. Мукуна дайссар шамулчинмур ва мукъулчинмур ракааьтругу. Махъра-махъсса ракааьтраву «аттахIийяту» дуркуну махъ, щяивкIун унува салам булайссар цал бакI урчIа чулиннай кIура даян дурну, яла куя чулиннай кIура даян дурну, кIивагу чулухунмай «Ассаламу аьлайкум



Салам.

ва рахIматуллагъ» увкуну. Ванийну чак кьурталссар.

«Къунут»

КIюрххил чакливу кIилчинмур ракааьтрай рукуьрай гьаз шайхтту, каругу хъхъичIун дургъуну дуккайссар дуаь «Аль-Къунут» («Магъдина»): «Аллагъуммагъдини фиман гьа-дайт, ва аьфини фиман аьфайт, ва таваллани фиман таваллайт, ва барик ли фима аьтIайт. Ва къини бирахIматика шарра ма къазайт, фаиннака такъзи валя юкъза аьляйк. Ва иннагу ля язиллю мав-валяйт, ва ля яззу ман аьдайт. Табаракта Раббана ва тааьляйт. Фалякяль-хIамду аьля ма къазайт. Астагъфирука ва атубу иляйк. Ва салляллагъу тааьля ва салляма аьля хайри халкъигъи МухIаммадив-ва аьля алигъи ва асхIабигъи ажмаэн, раб-бигъфир вархIам ва анта хайру-ррахIимин».

Чаклил ххирашиву

Исламрал рукнурдал яла ххирамур рукну чакри, диндалул ттарцI мури. Чурххал дайсса эбадатрал яла ххирамур мури. Аллагъ рязи шаймур мури. Идав-стурал ссуннатри. Малаиктуруан ччимурди. ЩяйтIаннул лажин лухIи даймурди. Бунагьирт-тал аьфву баймурди. Аллагъ ﷻ кIулшиврул нурди. Муъминчув-нал ярагъри.

Мунийну хъусливу барачат буссар, касмулуву мюнпат хъунмассар. Гьаттаву чирахъри. Миву лув бутайсса шанур. Миву тирх учин аймурди. Мункар-Накирнахъхъун жаваб дулаймурди. Къиямасса къини ялув дацIантIисса ххютри. БакIрайсса тажри. Чурххайсса яннари, Дуржагърал дянивсса пардаври. АллагъначIа хIуччари. Мунал хъхъичIсса нурди. Мизандалува хъумурди, ссиратрайх лахъан аймурди. Алжаннул кIулари. Дуржагърал къункьулари. Мунивусса фазиларду, хIикматру чIяруссар. ХIасил чакливу ацIния кIиазарда хасшиву дуссар. Муниву тасбихI, тахIмид, такъдис, таъзийм дуссар. Дуаь даву дуссар. Кьуръан буккаву дуссар, цайми-цайми чIярусса эбадатру дуссар. Му чак – оьшиву яла гьан дайсса хъиншивур. Къинилий байсса ххювагу чаклил масъала, цалва къатлул хъулувух нанисса марцIсса неххал масъалар, къинилун ххюйлва чурх шюшлашисса, марцI буллалисса. Мукуна гьарца чак бувтарий хъуни бунагъру бакъамий, гьарца бунагърая марцI хъанахъиссар, рукну-шартIгу, рукуь-суждугу камил дарча. ХIатта Къиямасса къини инсаннал бувсса аьмалляту хъхъичIва-хъхъичI суал буну ургантIисса аьмал – чакри. Му таману къамулну буну лякъирчан, махъмийгу циняв къамул бантIиссар. Къалявкьурив, цинявгу зия хъунтIиссар. Цинявннул ттарцI мури.

Чак къабайсса инсаннал сифатраву нур дакъассар, дакIниву иман чанссар, ризкъилува барачат бакъассар, касмулува неъмат бакъассар, Заннал ﷻ душманни, иблислул дусри, муъминтурал язидри. Залимтурал кабакьур, Тавратраву малоьнни, инжилдалува малоьнни, Забурданува малоьнни, Кьуръандалува малоьнни. Лухччи – ссавнил нааьна дайссар. Бургъи – зурул нааьна дайссар, ушу-щулгъилул нааьна дайссар. Гьарца хIайвандалул нааьна дайссар. Цинявннан душман шайссар. БивкIулул сакарат захIмат байссар. Гьаттал аьзаб цIакъ дайссар. Къиямасса Къини лажин лухIину изайссар. Дуняллийгу алши бакъур, ахиратлул неъмат бакъур. Дуняллул Ахират дарххумари. Машуву зарал хъумари, дуняллул цIимилияту махIрум хъумари. Ахиратлул неъматраяту айщун увмари. Мунан зад дулун, муначIа щя икIан, мунащал ачин гьалмахчу хъун къахIалалссар. Мунал цамур цичIав бувсса аьмал къамул бакъассар.

«ГьунчIукъатIан»

Бусурманчувнал Аллагу Таабланащалсса адабру

Гьарца муьминсса бусурманчувнан кьулну биклан аьркинссар, цува шава икьу, сапарданий икьу, шанай икьу, чантI увкуну икьу, ивкьуну икьу, ут-тавану икьу, гьарца хIаллай цащала архIал икьайсса, тачIав личи кьашайсса, хIакьсса цала гьалмахчув цува ляхьан увсса, цанма неьмат бул-лусса, цува балалая ххассал айсса, ца цуванусса Аллагу ﷻ ушиву, мукунсса гьалмахчув му акьа цама акьассар.

Мунайн леххаву чирча, леххаврий уккайссар, дуаь дарча, жаваб дулайссар. Му вил дакний усаксса вил чIарав Мугу уссар. Му ина кIицI лавгтари, Муналгу ина кIицI лагайссара. Му Аллагу Таабла гьар цалва Мулки малакутраву кьарар хьусса, лухччи-савний сакин хьусса, халкьуннайн аьлтту уклакисса, миннал дакнийн багьмур, чурххан ччан бивкIмур янил, мазрал, канил, ччаннал, чурххал буллайимур гьарца кьютIмургу, загьирмургу, мунал чIалачИссар. Мунайн кьютIну, кIучIну, кIул кьавхьуну личIайсса зад цичIав бакьассар. Му вин кьачIаларчагу, Мунал инагу, вил ишругу чIалачИссар. Аллагнащалсса адабругу цури чирча, Му буюхьайссаксса дакний уккан кьаитавури. Мазрал кIицI лаглайна икIавури. Мунал кьудратирттая, хIикматирттая, санагирттая, неьматирттая пикри буллайна икIавури, хIатта нахIусса дукра дукайний, ххуйсса янна ляххайни, щарссаничIа утту ишайни, таансса хIачIия хIачIайни, нацIусса ахьулсса дукайни, ми кунмасса цайми неьматирттаяту тIаан ласласиний. Аллагнаятау гьапулну кьаикIавури. Аллагнаятау гьапул шаву, му хьама итаву, дакнийн кьаутлатаву бунагьирттал хьуниминниатури. Мунал фазлулийн, рахIмулийн, аьфвулийн, неьматрайн, алжаннуйн хьулданий икIавури. Цува цуксса оьсса, оьккисса, фасикьсса аьмаллу буллалисса ухьурчагу мунал аьфвулий хьул кьакьукьавури. Цува цуксса хьинсса тIааьт, эбадат дуллалисса ухьурчагу, миннийн чул кьабивщуну Аллагнал цимилийн чул бищавури. Гьарца ишираву нигьал ва хьулданул дянив икIавури. Ца я мунал аькьувбалух, ца я мунал цимилух буруглай битавури. Ца дуняллух, ца ахиратлух, ца алжаннух, ца дуржагьрах буруглаги бавури. Ца ша дуняллий, ца ша ахиратлуву бивзун икIавури. НахIакьсса, мюнпат бакьасса каламра кьаагьну икIавури. Хьинмунийну амру булла, оьмуния нагьий булла икIавури. Пикрилий лазимну икIавури. Неьматрайн шукрулий икIавури. Балаллай ссавурданий икIавури. Аллагнаа ﷻ санаь дулла икIавури, таваккул Заннайн бутун икIавури. БивкIулух кьаралданий икIавури. ХIатта, гьарца чIумал Мунал ба кумур булла, мабара кумур кьабуллай, Му рязи хьунмур булла, Мунал сси бизанмур кьабуллай икIавури. ХIакьсса Аллагнал ﷻ лагнал пиша мури. Мукул гьан бан аьркинссар оьрму. Гьарца чIумал мукул икIан кьахьурчагу кьинилува цал, кIийла, шамуйла Аллагу ﷻ дакнийн увтун, мунашал мунажат дан, пикри бан аьркинссар, цащава хьусса бунагь-хатIалия пашман хьуну, хьинну дакIу гьагьан дурну щяивкIун. Му чIумал мунал гьалмахчуву Аллагури ﷻ икIайсса.

ГьунчIукьатрал Кьурбанаьлил «НасихIатуль аьвал»

Гьарца бусурманчувнан кьулну биклан аьркинмур

Бисмиллагь-р-рахIмани р-рахIим. АльхIамдулилагь рабиль-аьламин. Ва-с-саяту ва-с-саяму аьла сайидина МухIаммадин ва аьла алигь ва асхIабигь аждаэн.

- Ина бусурманчуврав?
- АльхIамдулилагь!
- На муний щак тIий ура!
- Тул бара шагьадатри: «Ашгьаду аьля илягьа иляллагь, ва ашгьаду анна МухIаммада-р-расулюлагь» (На барашинна дулла ура цаха лагьшаву дайсса Зал так ца Аллагу ﷻ ушиву, ва на барашинна дулла ура МухIаммад ﷺ Аллагнал ﷻ гьан увсса идавс ушиву, халкьуннан тIайласса дин ляхьхьин дан).
- Вил Зал цури?
- Тул Зал гьарзад ляхьан дурсса Аллагури ﷻ .
- Вил Идавс цури?
- Тул Идавс – МухIаммадри ﷺ , Кьурайштурал ХIашимлул тухумравасса, Маккалив увсса, ва Мадиналив увчусса.
- Вил дин цури?
- Тул дин Исламри – Аллагнайн ﷻ мьютIийминнал дин.
- Вил имам цури?
- Тул имам Кьурьанни.
- Вил кьибла цумурди?
- Тул кьибла – Маккаливсса Кьябари.
- Вил уссурвал цури?
- Тул уссурвал муьминсса (иман дусса) арагталли.
- Вил ссурвал цури?
- Тул ссурвал муьминсса хьамири.
- Вил ппу цури?
- Тул ппу – Адам идавсри ﷺ .
- Вил нину цури?
- Тул нину – ХIавари.
- Вил душман цури?
- Тул душман – щяйтIанни.
- Ина щил зурриятравасса?
- На Адам идавсил ﷺ зурриятравасса.
- Ина цумур миллартаваасса?
- На Ибрагьим идавсил ﷺ миллатравасса.
- Шариаьтраву цими мазгьаб буссар?
- Шариаьтраву мукьва мазгьаб буссар: имам Абу ХIанифнал, имам Маликлул, имам Шафигьнал, имам АхIмад бин ХIанбаллул (цаята Аллагу ﷻ рязи хьуннав).
- Ина цумур мазгьабраву ура?
- На имам Шафигьнал мазгьабраву ура.
- Ина бусурман та хьуссара?
- На бусурман хьуссара «Явмуль аьхди ва-ль-мисакь» (кьутIи дулаварив ва му кьутIи кьамул даврил кьини) тIисса кьини.
- Му цумур кьинири?
- Му кьини Аллагнал ﷻ рухIру ляхьан дурну, миннахь цIувхьуссар: «На зул зал акьарав?» – куну, гайннулу жаваб дуллуссар: «ХIакьну, Ина жул Залла, Аллагу» – куну.
- Динналул цими гьану буссар?
- Динналул шанма гьану буссар: Иман, Ислам, Суннат.
- Иман ссайн учайссар?
- Иман – учайссар МухIаммад Идавсия ﷺ бивкIмур дакIнихтуну, тIайламурун кьамул баврин.
- Имандалул цими рукну дуссар?
- Имандалул дуссар ряхра рукну:
- 1) Аллагнайн ﷻ иман дишаву;

- 2) Малаиктурайн иман дишаву;
- 3) Аллагнал ﷻ ликкан бувсса луттир-дайн иман дишаву;
- 4) Аллагнал ﷻ гьан бувсса идавстурайн иман дишаву;
- 5) Кьиямасса Кьинилин иман дишаву;
- 6) Кьадарданин иман дишаву, хьанахьимур гьарзад Аллагнал ﷻ кьудратрайну хьанай бушиву вихну; – Ислам ссайн учайссар?
- Ислам учайссар МухIаммад Идавсил ﷺ бува кумур биттур булла, Аллагнайн ﷻ мьютIи шаврийн.
- Исламрал цими рукну дуссар?
- Исламрал дуссар ххюра рукну:
- 1) Шагьадат дугаву;
- 2) Кьинилун ххюва чак баву;

ра цукунчIав диклан кьабуюхьайсса, цагу – диклан буюхьайсса. Чара бакьа дикIайсса сифатру хьанахьиссар: Сидкьу – тIайлашиву; Аманат биттур баву. Таблигь – Аллагнал ﷻ ляхьхьин бувмур халкьунначIан биян баву; ФатIанат – аькьулулул камилшиву. Идавстурал диклан кьабуюхьайсса сифатру хьанахьиссар: Кизбу – щялмахь бусаву; Хиянат – хиянатшиву даву; КьитIман – ХалкьунначIан биян бан аькинмур кьютIи баву. Баладат – ахIмакьшиву. Идавстурал диклан буюхьайсса сифат хьанахьиссар вайми инсантурал



- 3) Закят булаву;
- 4) Рамазан зуруй зума дугьаву;
- 5) Сант духьурча, ХIаж баву; – Суннат ссайн учайссар?
- Суннат – МухIаммад Идавсил ﷺ ккаккан бувсса ххуллури.
- Аллагнал ﷻ цими сифат дуссар?
- Аллагнал ﷻ дуссар мукьцIаллий цара сифат: кьура – дакьа кьабучИсса, кьура – диклан кьабуюхьайсса, цагу – диклан буюхьайсса. Дака кьабучИсса сифатру хьанахьиссар: Вужуд – Аллагу ﷻ мьяйжаннугу ушиву. Кьидам – Дайдихьу-аввал дакьашиву. Бакьаь – даим ушиву, ахир дакьаши-ву. Мухалифатугьу лиль-хавадиси – щихачIав лавхьхьусса акьашиву. Кьиймуть бинафсигь – СайнчIав ва щинчIав хIажат кьашайшиву. ВахIданият – ца акьа акьашиву; Кьудрат; Ирадат; Элму; ХIаят – уттавашиву; Самь – Чу баяву; Басар – ккаккаву; Калам; Кьадирун – Гьарзадрой кьудрат дума-ну ушиву. Муридул – Ххуймургу, оьмургу байма ушиву. Аьлимун – Гьарзад кьулма ушиву; ХIайюн – Даим уттавану ушиву, тачIав ухьалагайшиву; СамигIун – гьарзад байма ушиву; Басирун – гьарзад чIалачIима ушиву; Мутакаллимун – Гьалгьа байма ушиву; Аллагнал ﷻ диклан буюхьайсса сифат хьанахьиссар – ци-дунугу ляхьан даву – ччан бикIарча, ляхьан дайссар, кьачарча – кьадайссар.
- Идавстурал цими сифат дуссар?
- Идавстурал дуссар урчIра сифат – мукьра – чара бакьа дикIайсса, мукь-

баймур баву (масала, дукия дукаву, шанашаву, ва м.ц.) – МухIаммад Идавсил ﷺ ппухьлу цури? Идавсил ﷺ буттал чулухасса насаб: Аьбуллагь, Аьбулмуталлиб, ХIашим, Аьбудунаф, Кусайю, Килаб, Муррат, Каьб, Луайю, Гьалиб, Фихр, Малик, Назар, Кинанат, ХIузаймат, Мудрикат, Илийас, Музарр, Низар, Муаьд, Аьднан. Идавсил ﷺ ниттил чулухасса насаб: Аминат, Вагьбу, Зугьрат, Аьбудунаф, Килаб (гихунмай бутталмунишал цачIун хьанахьиссар). – Идавсил ﷺ цими оьрчI бивкIссар? – МухIаммад Идавсил ﷺ бивкIссар арулва оьрчI: Кьасим, Зайнаб, Аьбуллагь (Тягьир), Умму-Кульсум, ФатIимат, Рукьийят, Ибрагьим. – Идавсил ﷺ цими щарсса диркIссар? – МухIаммад Идавсил ﷺ диркIссар ацIния кIира щарсса: Хадижат, Аьйшат, Савдат, ХIафсат, Умму-Саламат, Умму-ХIабибат, Джувайрийят, Сафийят, Маймунат, Зайнаб, РайхIанат, Зайнаб. – Кьурьанналуву цими Идавсил ﷻ цIа дуссар? – Кьурьанналуву дуссар кьуния ххюя идавсил цIа: Адам ﷺ , Идрис ﷺ , НухI ﷺ , Ибрагьим ﷺ , Ясаь ﷺ , ИсхIакь ﷺ , Исмаил ﷺ , СалихI ﷺ , Закария ﷺ , Аьйюб ﷺ , Муса ﷺ , Шуаьйб ﷺ , Давуд ﷺ , Гьарун ﷺ , Юсуф ﷺ , Гьуд ﷺ , ЛутI ﷺ , Ильяс ﷺ , Зулькифли ﷺ , ЯхIйа ﷺ , Сулайман ﷺ , Яькьуб ﷺ , Эса ﷺ , Юнус ﷺ , МухIаммад ﷺ . – Цими асхIабнан баян бувссар Алжаннул ххарисса хавар? – Дуняллийва бунува алжанну-ву бикIантIишиву бувсьсар ацIа асхIабнахь: Абубакр ﷺ , Оьмар ﷺ , Оьсман ﷺ , Аьли ﷺ , ТалхIат ﷺ , Зубайр ﷺ , АьбдуррахIман бин Аьвф ﷺ , Саьд ﷺ , Саид ﷺ , Абу Оьбайдат ﷺ .

ХIадур бувссар Малик Сулаймановлул

Идавсил ﷺ асхӀабтураясса бусаларду

ХьхьичӀва-хьхьимур азан
Дунияллий цалчин азан бувк-
кусса инсан – Билал-асхӀабри ﷺ.
МухӀаммад Идавс ﷺ Маккалия
Мадиналив ивзсса чӀумал, ганал
бусурман цацӀун бавтӀун, жама-
аьтрай чак байсса бивкӀссар. Ца
къини мукун цацӀун хьуну, чаклил
чӀун дучӀаннин ялугьлай буну-
ва, асхӀабтуруаву чаклин цукун
оьвтӀунтӀиссар, тӀисса ихтилат бай-
бивхьуну бур. Цавайннал увкуну
бур христианнал кунма гюнгутӀи
бищун аьркинссар, куну, цавайн-
нал лахьсса кӀанай цӀу дишинну
тӀун бивкӀун бур, гайми сур бищун
аьркинссар, тӀун бивкӀун бур. Амма-
рив, Идавсин ﷺ миннувацца царагу
куц къулай къадирзун дур. Гьунт-
тимур къини кӀюрххил Аьбдуллагь
бин Зайд ﷺ тӀисса асхӀаб увкӀун,
цанна ккарксса макӀ бувсун бур:
«МакӀра тун ца адимина ккавк-
кунни щюллисса яннарду лархсса.
Га ия канил гюнгутӀигу бувгьуну
най. «Ина му гюнгутӀи бахлайвагу
акъарав?» – цӀуххав на ганахь. Ганал
цӀувххуна: «Ина ванил ци бан-
на?» – куну. Нагу учав: «Жу мунил
чӀунийну халкъ чаклин батӀланну»,
– куну. «Чаклин агьали батӀин
ванияр ххуймур лахьхьин бавив?»
– цӀувххуна ганал. «Цири мунияр
ххуймур?» – учав на. Ганал увкуну:
«Аллагьу акбар! Аллагьу акбар! Ал-
лагьу акбар! Аллагьу акбар! Ашгьа-
ду алля илягьа илляллагь. Ашгьаду
алля илягьа илляллагь. Ашгьаду
анна МухӀаммада-р-расулюлагь.
Ашгьаду анна МухӀаммада-р-
расулюлагь. ХӀайя аьла ссалягь.
ХӀайя аьла ссалягь. ХӀайя аьла-л-
фалахӀ. ХӀайя аьла-л-фалахӀ. Аллагьу
акбар! Аллагьу акбар! Ля илягьа
илляллагь».

Аьбдуллагьлул ﷺ му макӀ бувусукун,
Идавсил ﷺ увкуну бур: «Аллагь-
нан ﷺ ччарча му вил макӀ тӀайла
дацӀантӀиссар. Насу Билаллукь
ﷺ буси винама ккавкмур», – куну.
Яла Билал ﷺ ца къатлул магьуйн
лавхьун, цалва бюххансса, бюхт-
тулсса чӀуний халкъуннаин чаклин
оьвтӀун ивкӀун ур. Оьмар-асхӀабнан
ﷺ азанналул чӀу баяйхтту, левчу-
на ИдавсийчӀан ﷺ увкӀун, бувсун
бур цаннагу, Аьбдуллагьлул ﷺ
куна, къунну макӀра ккавкшиву
азан лахьхьин буллаллисса адими-
на. Микку Идавс ﷺ ххари хьуну,
«АльхӀамдулиллагь!» – куну бур.
Мунияр махь къинилун ххюва азан
ккалай байбивхьуссар.

Малаиктал хӀайран байма
Мадиналив ивкӀун ур Оьсайд бин
Худайр тӀисса ансар. Ганал хьин-
ну ххуйсса, бюххансса чӀуний
Кьурьан буккайсса бивкӀун бур.
Ца хьхьуну, га Кьурьан ккалай
усса чӀумал чӀарав бувхӀусса чу
хьит-шит тӀий, цӀуру-кӀуру булла-
лисса кунма бивкӀун бур. Оьсайд
къаагьувкун, чулу паракьат хьуну
бур. Ялагу ккалай айивхьукун, чу
цӀунилу азурда хьанан бивкӀур
бур. Оьсайд кӀилчингу къаагьну ур.
Чугу паракьат хьуну бур. ЧӀарав
ивкӀун ур ганал арс ЯхӀья шанай. Чу
аьжаивну бурхха, ганил орчӀ ккуч-
чу къаан, тӀий Оьсайдлул цала арс
гьаз увну цамур кӀанай ивхьун ур.
Му чӀумал ганал яру ссавруннайн
гьаз бувну бурча, ца чанна лархьсса
ттуруллула лархьхьусса зад ккарк-

кун дур. Гьунттимур къини Оьсайд
ИдавсийчӀан ﷺ лавгун, цанма
ккавкмур бувсун бур. «Вин кӀуллив
га ци диркӀссарив? – цӀувххуну
бур Идавсил ﷺ. «Аллагьнан ﷺ ва
Идавсин ﷺ ххуйну кӀулссар» –
куну бур ансарнал. «Гай бивкӀссар
Кьурьан ккалаккисса вил чӀуних
вичӀи дишин бувкӀсса малаиктал.
Ина кӀюрххилнин Кьурьан ккалай
ивкӀссания, кӀюрххил га халкъун-
нан ккаккантӀиссия!» – увкун бур
Расулуллагьнал ﷺ.

Малаиктурал кумаг
БадрулчӀисса гьазават диркӀссар
бусурманнал ва мушриктурал



дянивсса цалчинсса талатаву. Га
талатавриву мушриктал бусурман-
наяр шамлийну ххисса бивкӀссар.
Мушриктурал къаст диркӀсса га
талатавриву цал архӀал циняв бу-
сурман ливтӀуну, бухлаган бансса.
Га гьазаватрай чӀявусса бусурман
шагьидталну лавгссар. Талатаву
дайдишайхтту Идавсил ﷺ увкуссар
Абубакр-асхӀабнахь ﷺ: «Ххари-
шиву дува, я Абубакр! Аллагьнал
ﷺ жунма кумагран азара малаик
усса аьрал гьан бувунни, миннал
бакӀчинугу Жабраил-малаик ур».
Имам Бухаринал «СахӀихӀравусса»
хӀадисраву увкун бур: «Ца чӀумал
Жабраил малаик ИдавсийчӀан ﷺ
увкӀун цӀувххуссар: «Бадрулул
гьазаватрай гьуртту хьуминнал
къимат зул дянив цукунссар? –
куну. «Жу гай яла ххуйми, хӀурмат
буми бусурманну ккалли бувару»
– увкуссар Идавсил ﷺ. Жабраилнал
увкуссар: «Га талатавриву гьурт-
ту хьусса малаикталгу жу мукун-
ма ккалли бару», – куну.

Саъд ибн Муаъз

Саляма ибн Аслямлул бувсун бур:
«Саъд бин Муаъз хьинну ххирас-
сия МухӀаммад Идавсин ﷺ. Саъд
ивкӀуну ур тӀисса хавар баяйхт-
ту, Идавс ﷺ цалва асхӀабтурацал
гацӀана ганал къатлувун авчуна.
Идавс ﷺ хьхьичӀ най ия, жу – га-
нал хьирив. Мукун най жу бивру
Саъдлул къатлуцӀан. Гиву ганал
жаназа дия, яла цучӀав акъая. Идавс
ﷺ гивун увххун нанисса чӀумал,
хӀаллих, ва ца щий-бунугу ччан
бизан нигьа увсун куна най ия.
Махь нанисса жуйнгу мабуххари,
куну, ишара дуруна. Идавс ﷺ гива
увкुकун, на цӀувххуссия: «Я Ра-
сулуллагь, Саъдлул къатлуву ттун
цучӀав къаккавккуна, амма ина ин-

сантурал ялтту ша ласласисса куна
най ияв. Вин гиву ци ххал хьур?» –
куну. Идавсил ﷺ увкуну: «ХьхьичӀва
цалвагу аьрщарайн къабувкӀсса
арулцалазара малаик бувкӀун бия
Саъдлул жаназа ларсун бачиншив-
рул. Къатлуву гайннаха щяикӀансса
кӀану бакъая. Ттуцагу ца малаик
ивзукун акъа щяикӀан къавхьуну» –
куну.

Саъд ибну Аьмир

Халиф Оьмар-асхӀаб ﷺ Сириянавун
увкӀсса чӀумал ХӀумс шагьрулий
авцӀуну ур. Ганал цӀувххуну бур
гикку ялапар хьанахьисса инсанту-
рахь: «Зул амируну ивтсса Саъд бин

Аьмир ﷺ цукунсса инсан ур?» –
куну. ХӀумсрал агьулданул Саъдлуя
ﷺ цӀарду дурну дур, амма шанма
аьрзагу бувну бур. Халифнал Саъдгу
ﷺ гиккун учӀан увну, буюр бувну
бур:
– Утти бусияра зува ссая рязи бакъа
буссарув, – куну.
– Баргь гьаз къавхьуссакса му
инсантуравун къауккай, – куну бур
гайннал.
– Саъд, ина муниин ци чинна? –
цӀувххуну бур Оьмар-асхӀаблул ﷺ.
– Валлагь, на му бусан ччай акъас-
сияв, амма вил амру биттур бан-
шиврул бусанна, – куну бур Саъд-
лул ﷺ, – Ттул къатлуву даву дайсса
къуллугьчитал бакъар, мунияту на
кӀюрххил чьани ивзун, иникӀма
дурну, гай лархьукун, ттулва кул-
патран ччатӀгу шавхьун, цӀунил
чаклингу ивссуну къатӀув уккара.
– Уттигу цукунсса аьрза бур? –
цӀувххуну бур халифнал.
– Хьхьувай мунал цацӀана цучӀав
къамул къаай, – куну бур халкъун-
нал.
– Ци чинна, Саъд?
– Я амирул-муьминин, на мугу бу-
сан ччай акъассияв. На къини хал-
къуннан хас дуvara, хьхьу – Аллагьу
Таьаланаха эбадат дан къадитара, –
куну бур Саъд бин Аьмирдул ﷺ.
– Ттигу бурив аьрза?
– Зуруй ца къини му увагу къатӀув
къауккай, – увкуну бур инсантурал.
– Циван къауккара, Саъд? –
цӀувххуну бур амирнал.
– Вай ттуйрасса янна дакъасса,
цамур янна ттул дакъар, мунияту
на зуруй цал ва шюршюну, къа-
къаннин ацӀара, яла инсантуравун
уккара, – куну бур Саъдлул ﷺ.

*ХӀадур бувссар
Оьмар МухӀаммадовлул*

БивкӀу хьама мабитара!

**Жунма кӀулсса куццуй, бусур-
маннал имандалул ряххулчин-
мур рукну хьанахьиссар къа-
дарданин вихну икӀаву, гарзад
ва дунияллий хьанахьимур
Аллагьнал * чичрулийну бу-
шиву кӀулну, мунищал рязину
икӀаву.**

автор: Камал Сагидов

Хьунисса аьлимтурал тӀимунин
буну, ва дунияллия бусурманну
лавгма абадлий Алжаннуву
икӀантӀиссар, чапурну лавгма
– абадлий Дуржагьравун
утантӀиссар. Ахир цукунсса
хьурив, ахиратлувусса ахӀвалгу
муниха лавхьхьуну бикӀантӀиссар.
Муниятур жулва халкъуннаву «вил
ахир хайр даннав» тӀисса дуаь даву
аьдатравун дагьсса.
Жунма бавукун, цу-унугу ххуй
дакъасса ахир хьуну ивкӀуну ур
тӀий, «Аллагьнал * жува гукунсса
бивкӀулия буруччиннав!» - учару.
Аммарив, Аллагьнал * жува
буруччиншиврул, ххуйсса ахир
хьуншиврул циру буллаллисса?
Инсан ивкӀусса чӀумалгу жува
ганал гьан-маччаминнащал дард
кӀидачӀин, ивкӀуманаха дуаь дан,
жижара бан лагару. Ялун мукун
чӀаларчагу, мьйжаннугу мукунсса
нийятрай лагарув? ЧӀявуми гиккун
лагай халкъуннал къаувкӀунни
къаучиншиврул, тагу ттуцӀан
увкӀссияхха, арцугума дуллуна,
зана дан аьркинниха, ганан
буржлувну за икӀавав, тӀий.
БивкӀу хьусса къатлул залуннал
даймургу чӀявучин ккаккилунсса
дикӀай: авара, вев-шев,
дикъарсса аьтӀавуртту. БачӀайсса
садакъагума гайминнаяр махьун
къабагьаншиврул гьарзану буллай
бур, халкъуннал ци учинссар
тӀий? БивкӀу ца аьдатрайн кӀура
бавну бур. Мьйку, мукьцӀал,
ххюцӀаллий кӀива. Вай гьантрайгу
садакъа бан фарзну чӀалай бур.
Гьа, жува ивкӀуманахлу, ганал
рухӀирахлурухха бачӀлачӀисса.
КуртӀну вила дакӀниву урувгун
ххал ба инава мьйжаннугу
ивкӀуманахлу бачӀлай урав,
ягу чӀаххувчунаяр махьун
къаагьаншиврул буллай урав?
МарцӀисса нийятращал буллай
акъахьурча, Кьиямасса къини га
садакъалухсса чири чӀаххучунахь
була учин хӀадур хьу. Ягу нийятту
марцӀ дурну, шайкун къюлтӀну
бува баймур – «УрчӀамур каних
садакъа буллаллисса чӀумал
куямунин къаккакканну булла.
Мукун садакъа байма дунияллий
гьарцаннаяр гужмари» - увкуну
бур хӀадисраву.
Пикри ба, инава дунияллий лавгун
цӀансса гьаттаву ивхьусса чӀумал
вилва махьминнал вихара даймур
цукун дурну ччанссия?!
Ва дунияллия лавгмий хьама
мабитара, вила чӀун дуркӀукун
инавагу хьама къаитантӀиссара.
ЛивтӀуминнан мюнпат хьунмур
бува, му мюнпат вичӀанмагу зана
бикӀантӀиссар.
Ххуймур бавриву хӀарачат буллан
Аллагьнал * тавпикь булуннав!
Амин.

Хъус буржирай дулаврил ххирашиву

Буржирай, хъинбалларал ххулий, мюхтажсса инсаннахъхун мунап аьркинсса хъус дулавругу ссуннатссар: арцу диклу, къама биклу, хлайван биклу, цамур зад диклу.

Мунийну бусурманчувнал буруккин яла лагайссар, къумашиву гьарта шайссар. Му чири хъунмасса, даража лавайсса аьмалли. Хатта, мукун буллусса гьарца шагьилул бакIрахсса ацIния мий-майра хъиншиву диклайссар.

Му буржирай дулайнигу – «На ва хъус вихъхун буржирай дулав, му махъуннай зана данну» – куну дулун хъинссар. Ласайманалгу мукун лав куну учирча хъинссар.

Буржирай ласайманалгу цанна ца агьамсса хлажатшиву дакъана дула куну тIалав даву къахъинссар. Масала: цанна ягу цалва кулпатран дукансса, лаххансса дакъа, миннух дулунмур дакъа уну, ягу ризкилул дуканмуних дулунмур дакъа уну, ягу цалла закят ялувсса хъус закят букканнин зия хъуну, мий буккансса дакъа уну. Му чIумаллив буржирай тIалав дурну ласун ялувссар, цанна аьркинссаксса къадар. Мукунсса адиминал думанаца мий тIалав дурукун, му айшун ангу къабучIиссар.

Цащара залуннал махъуннай дула куну тIалав дурукун дулун къабюхъайсса ухъурча, му чIумал буржирай ласун хIарамссар. Махъуннай дула куну тIалав дурукун инжит къаувно дулунгу ялувссар. Му махъуннай дулаймургу га цалла ларсмур куннасса дулун ялувссар. Ганияр чансса, къадарсса дулун къабучIиссар. Ялунгу чансса ххуйсса, хъинсса дулаву хъинссар, заллу рязий хъун. Мукун къадармуних хъинмур ласунгу каргьат бакъассар, мукунсса дулун куну шартI къадурс-



саксса. ШартI дурну хъинмур ласун къабучIиссар. Мукунма мий дулаву сававрайну цамур хъинмала, я ххишалану зад тIалав дангу къабучIиссар, хIарамссар, рибав шайссар. Амма залуннал тIалав къадуллайна ларсманал цалла ссайгьат хIисаврай ххишала зад дулурча, ласун бучIир. Ваьфулул, васийятрал хъус буржирай дулун къабучIиссар. Мукунна ца заллу акъасса, мизитрал, жамьтирал хъусгу къабучIиссар, ятинтуралссагу къадурусъссар. Буржирай ларсъсса хъусгу дурцуну, дахху-ласу дайсса хъус ларсун духъурча къама–ппиринж биклу, нагь–нис диклу, дикI диклу, мий куннасса цайми диклу, махъуннайгу мура хъус дурцуну дулунссар. Къиматгу бувну, ялун бурувгун даххайсса хъус ларсун

диркIун духъурча, масала хлайван буржирай лавсун бивкIун махъунмайгу мунил багълуйсса булунссар, ягу цуппа багъагу булун бучIиссар, кIиягу рязийну бухъурча. ХIасил, хIалалсса ххулий буржирай бусурманчувнахъхун мунап аьркинмур дулаврил даража-чири хъунмассар, дулара куну Аллагьналгу   амру бухъувкун. Мукунна укра цаманнахъхун мюнпат ласун ци дунугу цалла хъус, дулавугу ссуннатссар. Чу, ттукку, ниц зузи бан буллуну, хъу-лукъчи, къатри мюмпааьт ласун дуллуну, мукунна цамур мюмпааьт ласун бюхъайсса ичIаллил ярагь, ци дунугу дулуну багъа, ужра тIалав къадурна дулаврилгу чири хъунмассар. Мукун лаялий ласайсса задгу дула куну залуннал изнулийну ласун

аьркинссар, мунап изну бакъана ласун къабучIиссар. Му ларсманайгу ялувссар му цачIара дуссаксса ягу дурну, хIажат барт диргьукун залунначIан кIура даян дан. Залуннал изну буллусса зад дакъа цамур зад дангу къабучIиссар. Дарча, му дуллай буна зия хъурча лахъаву ялувссар. Масала: гъай учин буллусса ниц аьраварттилу бавхIуну буна бивчIарча, мунил лахъаву дагъайссар, залуннал изну буллумур дуллай буна бивчIарчарив, лахъаву къадагъайссар, баччибакъашиву дурну дакъахъурча. Махъуннай къадуллуну, хъама битала хъуннин риртун, цанма тамахI бавугу хъун бунагъри, цуксса къадарсса, къюркьюсса зад духъурчагу кулунг, чIатIа, рикI, къуса-гъиссилу диклу. Мукунна гьарца цайрасса ялувшингу цукун хъусса духъурчагу залуннал тIалав дурукун тIайла дуккаву ялувссар.

Дулун къудрату дуна, заллу дула тIий заназу аву бунагъссар. Хатта ялуршиннарал заллу рязий акъа ссапарданий гьан къадурусъссар. Гьарчагу, му сафарданий чак кутIа бан ихтияр дакъассар. Ялуршин дусса инсаннаннийр хъунмасса буруккин щинчIав къабикIайссар, бюхъайссаксса чяни тIайла дуккаву хъинссар. ЧIун лирчIсса духъурчагума, чIун дияннин хъхъичI дулаву хъинссар. Дулун къудрат дакъа ухъурчагу къудрат шайхту дулунна кусса нийят дикIан аьркинссар. Му ялуршиннарал заллу дула тIий тIалав дуллай увкIукунгу, мунахъ дулунна куну, нахIусса, ххуйсса махъ бусавугу хъинссар. Буржлий дуллуманалгу, цанна аьркиншиву дакъахъурча, анавар уккан къааву хъинссар, хаснува ларсма зана дан захIмат хъанай ухъурча. Хатта дакъасса инсаннахъхун чIун дулайма Къиямасса къини Аьрширал ххютулу щяикIантIиссар, хIисавгу бигъану ласунтIиссар.

«ГъунчIукъатIан»

Ххирасса хладис

Ца чIумал ИдавсийчIан   ца инсан увкIун увкуну бур:

- Я Расулуллагь! На увкIра вичIан ттунма ахиратлуву мюнпат биян банмуния цIуххин.
- Идавсил   ганахъ увкуна:
- ЦIухха винма аьркинмуния.
- Ттун ччай бур яла элму думану икIан, – увкуна ганал.
- Аллагьная   нигъа увсун икIу, ина яла элму думану икIантIиссара.
- Ттун ччай бур яла аваданма хъун.
- Думуний щукру булува, ина яла аваданма хъунтIиссара.
- Ттун яла аьдилма хъун ччай бур.
- Винма ччимур гайминнангу ччай икIу, ина яла аьдилману икIантIиссара.
- Ттун халкъуннащал яла ххуйма хъун ччай бур.
- Халкъуннан мюнпат биян булува, ина яла ххуйману икIантIиссара.
- Ттун Аллагьнал   хъхъичI ляличIийсса даража ччай бур.
- Зикри чIявуну булува.
- Ттулла Иман камил дан ччай бур.
- Вилла хасият, тIабиаьт ххуй дуллалу, вил Имангу камил хъунтIиссар.
- Ттун ччай бур Аллагьнаха   эбадат хъунмасса хIарачатрай даиминнавахъ хъун.
- Вина Аллагь   чIалачIисса кунна дулува эбадат.
- Аллагьнайн   мютийсса лагъгурава хъун ччай бур.
- Аллагьнал   вийва бивхъусса буржру биттур

- булува, ина мютиминнава хъунтIиссара.
- Ттун ччай бур Къиямасса Къини нурданул чанна лавхъун изан.
- Вийва ва лагмаминнай зулму мабаванна.
- Ттун ччай бур Къиямасса Къини Заннал   ттуйва рахIму бувну.
- Вийва ва чIаравминнай цIими булува, Аллагьналгу   вий рахIму бантIиссар.
- Ттун ччай бур ттулва бунагъру чан хъуну.
- Мудан тавбу дуллалу, вил бунагъру чан хъунтIиссар.
- Инсантураву яла хIурмат буману хъун ччай бур.
- ЩихъчIав вилва ялун бивсса балардая мабусаванна, ина хIурмат лавайману хъунтIиссара.
- Ттун ччай бур яла къувват бума хъун.
- Гьарца ишираву Аллагьнайн   таваккал дува, ина къувват буману икIантIиссара.
- Ттун ччай бур ва дунияллийсса ттулва ризкъ гьарза хъуну.
- Мудан чаклин ивссуну, марцIну икIу, Аллагьнал   вил ризкъ гьарза бантIиссар.
- Ттун ччай бур нава Аллагьнан   ва Идавсин   ххира хъуну.
- Аллагьну Тааьланан ва Идавсин   ххирамур вин ххира шайхтту, инагу миннан ххира хъунтIиссара.
- Ттун ччай бур Къиямасса Къини Аллагьнал   сситтуя мураха хъун.
- Аллагьнал   ляхъан дурмунийн сси мабизаванна, Аллагьналгу   вийн сси къабизантIиссар.
- Ттун ччай бур ттулла дуаьртту къамул хъуну.
- ХIарамсса дукра дукаврия урувччуну икIу, вил

- дуаь Аллагьнал   къамул дантIиссар.
- Ттун ччай бур Къиямасса Къини Заннал   нава баявур къаувно.
- Вилла аьврат зуналия дурурччуну икIу, Аллагьнал   ина баявур къаантIиссара.
- Ттун ччай бур Къиямасса Къини ттулва бунагъру ашкара къавхъуну.
- Вилва динналул уссурваврал бунагъру ашкара мабаванна, вилмийгу Къиямасса Къини ашкара къахъунтIиссар.
- Бунагъру баврия ссал ххассар айссар?
- Маьк рутIаврил, Аллагьнайн   мютийшиврул ва цIуцIавурттал.
- Аллагьнал   ххичI къимат лаваймур лараймур цери?
- Хъиншиву, иминшиву ва захIматшивруву ссавур даву.
- Аллагьнал   хъхъичI яла къимат бакъамур, къадармур цир?
- Ххуй дакъасса хасият ва цалва нафран ччимунил хъирив ачаву.
- Ва дунияллий ва Ахиратраву Аллагьнал   сси кIукIу ссал байссар?
- КъюлтIну бувсса садакьалул ва гъан-маччаминнащалсса дахIаву цIакь даврил.
- Къиямасса Къини Дуржагьрал цIу ссал лещан дайссар?
- Оьрмулувусса циняв балардаву ссавур даврил.

Ва хладис бувсъссар имам АхIмад ибн Ханбаллул Халид бин Валидлуя.

Балугъ бугъаврия, авлий лагаврия шариаътраву ци увкуну буссар?

Балугъ бугъан ва ав бан шариаътрал ихтияр дуллаи дур. Так Хажлив ихТрамраву уманан хТарамссар ав бан. Балугъ бугъан Хажлив уманангу бучИссар. Ав буллалиманал ният хТалалсса духъурча, масала, бивтун бутсса ав бавххуну арцу лякъин ягу букан – му цинявпагу алимтурал тИмунин буну хТалалссар. Мукума, балугъ бугъаймагу гания мюнпат ласлай ухъурча: бавххуну, бувкуну ягу щин-бунугу садакъалун булуну – мугу хТалалссар. Хаз бан, тИркИулун ав баву ягу балугъ бугъаву къахъинссар. МухТаммад Идавсил ﷺ хТадисраву увкуну бур: «Ца овъру бакъана чѐлму бивчIарча, Къямасса кьини га чѐлму Аллагнал ﷺ хъхъичI барашинна дуллантиссар, ва пуланна на хТазран бивкIунна, ттуяту цукунчIавсса хайр ласун най акъанува, тлий» (Насаи, №4370).

Ца зурува иншааллагъ ттун арс антИссар. На ганан ца Даниял дизан ччай ура. Му бусурманнал цIарив?

Даниял бусурманнал ца хъанахъиссар. Му ивкIссар Аллагу Таабланал идавс. Агар Даниял идавсия ﷺ кIул бан ччай бухъурча, бюхъантИссар буккин оьрус мазрайсса «Идавтурал тарих» («Истории пророков») тИсса шайх Саид-афандинал чивчусса луттираву.

ХъхъичIва-хъхъичI «Ас-саламу аьлайкум ва рахIматуллагъ» увкусса инсан цури?

ХъхъичIва-хъхъичI «Ас-саламу аьлайкум ва рахIматуллагъ» увкусса инсан Адам ﷺ идавсри.

ИвкIусса инсаннал янналийн ка лаярча, чурх шюшин (гъуслу бан) аьркинссарив?

ИвкIуманал янналийн ка лаярча, я чурх шюшин, я чаклин иссаву цIу дан аьркиншиву дакъассар. Гъуслу бан суннатссар жаназа шюшлаи ивкIманан.

Жул шяраву дур укунсса аьдат: инсан ивкIусса чIумал га уччин лавсун бавчукун, хъювату букканин циняв лагма лавгун, чИви-къивисса къулгъугу буну, гиккун бавтIминнахъ га багъишла итира, ва зун буржлий ивкIхъурча, ванал варистураща тIалав дувара, ягу хТалал дувара, ванан дулун бивкIминналгу варистуран дулара, увкуну, яла хТатталлив лавсун бачару. Амма махъсса ппурттуву жул жяматраву му иширал цIаний къалмакъаллу хъанай дур, цанчирча, ца-цавай бур муку буллан къааьркинссар, му шариаътраву бакъасса задри тИий. Цумур тIайлассарив бувчIин барча ччива.

ИвкIусса инсаннал жуцава бан шаймунива яла хъунмамур мюнпат – га шайкун анаварну уччавури. ИвкIуманай буржру бивкIун бухъурча, гай хТалал битияра ягу варистураща тIалав бувара учин чара бакъа аьркинссар. Къулгъу баврия тIурча, ивкIуманал жаназа дуччинин ганаха арилва сура «Аль-Анаъм» буккаву суннатссар. Цуппагу жаназалул ялув буккин аьркин бакъассарча, га шюшлаи, суру бихълай бунува, мизитраву, ягу цамур кIанай ганал рухIирахлу буккин нийяту дурну буккайссар. Уччаву даннин цамур зад дуккаву ккаккан буну бакъассар, амма шяраву буккайсса аьдат духъурча, кIутIану альхIам-къулгъу буккин бучИссар. Так га ивкIуну мукъахъ хъунмасса хТал хъуну бухъурча, хаснува, жаназалия къанкъ хъанай духъурча, уччиннин къулгъу буллаи бацIаву хТарамссар, анаварну гьаттаву ишин аьркинссар.

Дагестанский Исламский университет имени шейха Мухаммад-Арифа

Объявляет набор на вечернее отделение, где все желающие могут без отрыва от производства или учебы бесплатно получить духовное образование. Получив исламские знания, Вы принесёте в свои дома и общество неиссякаемый свет добра, исходящий от Ислама. Это поможет Вам совершать благие деяния.

На учебу принимаются все желающие (от 14 лет) на основе собеседования.

Мужчины и женщины проходят обучение раздельно.

Срок обучения: Программа трехгодичная.

По завершению учебы желающие зачисляются на дневное отделение ДИУ.

Обращаться по адресу: г. Махачкала, ул. Дахадаева, 136. Дагестанский Исламский университет им.Шейха Мухаммад-Арифа (на территории Центральной мечети), городской корпус, 5-этаж.

Телефоны для справок:

для мужчин:

8-988-771-10-20;

для женщин:

8-988-420-46-48.

Эса идавсил ﷺ ца Къуръандалу-ву цими кIанай дуссар?

Эса идавсил ﷺ ца дуссар Къуръандалу-ву 25-ва кIанай.

ХХИРАССА УССУРВАЛ ВА ССУРВАЛ!

НАЙ ДУССАР 2012-КУ ШИНАЙНССА "АС-САЛАМ" ККАЗИТРАЛ

ПОДПИСКА.

ККАЗИТ ЧИЧИН ХЪУНТИССАР ЧЧИМУР ПОЧТАЛИЙ ВА МУКУНМА

ГЪАРЦА РАЙОННАЙССА ЖУЛ ВАКИЛТУРАЙХЧИН.

ЛАККУ МАЗРАЙССА ККАЗИТРАЛ ШИНАЙССА БАГЪА ХЪАНАХЪИССАР 247 КЪУРУШ, ОЬРУС МАЗРАЙССА ККАЗИТРАЛ – 535 КЪУРУШ.

ЛАКРАЛ ВА ККУЛЛАЛ РАЙОННАЛ ККАЗИТ ЧИЧАВРИЛ ВА БИЯН БАВРИЛ ХИАКЪИРАВУ ВАЙ НОМЕРДАЙХ ОЬВЧИН БЮХЪАЙССАР: 8-928-980-25-19, 8-988-699-28-15, 8-964-003-32-95, ЦИУССАЛАКРАЛ

РАЙОНДАЛИЙ ВА НОВОСТРОЙРАЙ: 8-928-961-72-11.

ДАКИ ДАРЦИУНУ БУРУ, ЖУЛА ХХИРАССА БУККУЛТ,

ККАЗИТ БАКЪА КЪАЛИЧИАНССАР ТИЙ.

АС-САЛАМ ККАЗИТРАЦАЛ ЗУЛ КЪАТРАВУН ДУХХАНТИССАР

ХХАРИШИВУ ВА БАРАЧАТШИВУ. АЛЛАГЪНАЛ КУМАГ БАННАВ!

ДУАЪ

УТТУ ИШАЙНИ ДУККАЙССА ДУАЪ

اللَّهُمَّ إِنِّي أَسْلَمْتُ وَجْهِي لِلَّهِ وَفَوَضْتُ أَمْرِي لِلَّهِ وَالْجَأْتُ ظَهْرِي لِلَّهِ رَغْبَةً وَرَهْبَةً

إِلَيْكَ لَا مُنْجَا وَلَا مَلْجَأَ مِنْكَ إِلَّا إِلَيْكَ أَمَنْتُ بِكِتَابِكَ الَّذِي أَنْزَلْتَ وَنَبِيِّكَ الَّذِي أَرْسَلْتَ

Аллагъумма инни аслямту ваъжъи илайка, ва фаввазту амри илайка ва альжаъту загъри илайка, рагъбатан ва рагъбатан илайка, ля манджа ва ля мальджаа минка илля илайка, аманту бикитабика-лязи анзальта ва набийика-лязи арсальта

ХIурмат бусса уссурвал ва ссурвал!

Зунма цIуххин ччисса,

ИсламрацIун, ШариаътрацIун,

кулпатрал багъу-бизулуцIун бавхIусса ва цаймигу суаллу гъан бан бюхъайссар SMS – райхчин ва номерданийн:

8-928-580-37-89

e-mail: assamlak@mail.ru

Рузнама

Март

Къини	КIюрххил чак	Баргъ буккаву	Ахтгайн чак	Ахтгакъун чак	МаркIачан чак	ХъатIан чак
1	5:47	7:22	13:01	16:06	18:40	20:05
2	5:46	7:21	13:01	16:07	18:41	20:06
4	5:43	7:18	13:01	16:09	18:44	20:09
6	5:39	7:14	13:00	16:10	18:46	20:11
8	5:36	7:11	13:00	16:12	18:49	20:13
10	5:32	7:07	12:59	16:13	18:52	20:16
12	5:29	7:06	12:59	16:15	18:54	20:18
14	5:24	7:00	12:58	16:16	18:56	20:21
16	5:21	6:57	12:58	16:18	18:59	20:24
18	5:18	6:53	12:57	16:19	19:01	20:26
20	5:15	6:50	12:57	16:21	19:03	20:29
22	5:11	6:46	12:56	16:22	19:03	20:31
24	5:07	6:43	12:55	16:22	19:08	20:33
26	5:03	6:39	12:55	16:24	19:11	20:36
28	4:59	6:36	12:54	16:25	19:13	20:38
30	4:54	6:32	12:53	16:25	19:15	20:40